

الإفساد بين الناس (٣) - شجرة الخلد - شريف علي

شريف علي

فوسوس اليه الشيطان. قال يا ادم هل ادلك على شجرة الخلد وملك لا يبلى السلام عليكم ورحمة الله وبركاته. بسم الله والحمد لله والصلوة والسلام على رسول الله قال رسول الله صلى الله عليه وسلم ما اجتمع قوم في بيت من بيوت الله يتلون كتاب الله ويتدارسونه فيما بينهم الا نزلت عليهم السكينة - 00:00:06

وغيشتهم الرحمة وحفتهم الملائكة وذكرهم الله فيمن عنده وقال صلى الله عليه وسلم ما اجتمع قوم يذكرون الله الا ونادى مناد من السماء ان قوموا مغفورا لكم قد بدلتم سيناتكم حسنات. وقال صلى الله عليه وسلم - 00:00:49

من سلك طريقا يلتمس فيه علما سهل الله له به طريقا الى الجنة اه نشكر الشباب اللي عندهم حرص على الحضور النهاردة بصرامة يعني خايف تزني يعني انا قلت هيقولوا نسمع الدرس - 00:01:06

بس ايه لقيت النسبة الاكبر يعني ان الناس عايزه تحضر يعني فجزاكم الله خيرا ربنا يا رب يزيدكم حرص ومبسط من خمسة وعشرين في المية اللي هو وهو متتسق مع نفسه يعني هو عارف ان هو ايه - 00:01:20

مش هاجي يعني دارسين في الاسبوع مش هينفع فايه جزاكم الله خيرا طيب ده المجلس اللي كان المفروض ناخده الجمعة اللي فاتت اه المجلس الثالث من مجالس آآ سلسلة شجرة الخلد - 00:01:32

كنا في المجلس الاول والمجلس الثاني اتكلمنا عن ايه يا جماعة الشيطان صح كلمي عن الشيطان واتكلمنا عن اه اه بداية عداوة الشيطان بالانسان وببداية القصة واتكلمنا عن بعض طرق اغواء الشيطان - 00:01:48

واتكلمنا عن الایات في سورة الاعراف ومن طرق اغواء الشيطان اللي اتكلمنا عنها هي تغيير المسميات ان ازاي الشيطان علشان يسهل على الانسان المعصية بيجي يغير اسم المعصية. قال هل ادلك على شجرة الخلد - 00:02:05

وملك لا يبلى النهاردة هنتكلم عن مدخل من اعظم مداخل الشيطان للانسان وسبحان الله المدخل ده تتعجب ان الشيطان رضي به. يعني الشيطان آآ تقبل المدخل ده وحابه ورضي به بديل الشرك - 00:02:19

يعني لما تتأمل قول النبي عليه الصلاة والسلام في حجة الوداع قال رسول الله صلى الله عليه وسلم ان الشيطان قد ايس ان يعبده المصلون في جزيرة العرب الشيطان يئس - 00:02:39

ان الناس في جزيرة العرب ايه تعبده ييأس من ايه؟ من الشرك ولكن بالتحريش بينهم يعني الشيطان لما حب ينزل من الشرك من الكفر نزل لايه للتحريش. يعني ايه التحريش - 00:02:54

انت في صحصحة معي شوية ايه التحريش هو الافساد بين الناس اللي هو يسخن بين الناس. يفسد فساد ذات البين يعني بس عايزك تتأمل في الحديث. النبي عليه الصلاة والسلام بيقول ان الشيطان قد ايس يعني ييأس - 00:03:12

اه ان يعبد المصلون في جزيرة العرب. ولكن رضي يعني الحاجة اللي الشيطان نزل من بعد الشرك من بعد الكفر اللي رضي بها هي ايه الافساد بين الناس تحريش ولكن في التحريش بينهم - 00:03:28

احنا قلنا ان الشيطان الشيطان آآ ما بيأسش والمداخل بتاعة الشيطان متعددة ولكن الشيطان لو انت قفلت له باب بيعاول ياخذ منك اللي يقدر ايه اللي يقدر ياخذه يعني انت قفلت عليه باب مسلا ترك الصلاة يخليك تأخر الصلاة - 00:03:43

يخليك ان انت تصلي في البيت يخليك ان انت تجمع الصلاة. لكن انت قصه ان انت تترك الصلاة بالكلية دي ايه مش عندك فالشيطان بيعاول ياخذ اللي يقدر ياخذه منك - 00:04:02

ماشي فهنا لما الشيطان ما قدرش ياخد الكفر والشرك خد ايه التحريش ولكن في التحريش بينهم ليه الشيطان حريص على ده يعني ايه الحاجة اللي الشيطان عايز يوصل لها لما يفسد بين الناس ؟ النبي عليه الصلاة والسلام قال - 00:04:13

لما قال عن اعمال الاعمال دي النبي عليه الصلاة والسلام قال ان هي افضل من الصدقة ومن الصيام ومن الصلاة. قال الا ادلكم على ما هو افضل من الصلاة الصيام والصدقة - 00:04:32

قالوا بل يا رسول الله. قال اصلاح ذات البين يعني ايه اصلاح ذات البين ان انت تلقي اتنين متخاصفين مع بعض فتروح ايه صلح بينهم العمل ده عزيم في الاسلام العمل ده كبير جدا. النبي عليه الصلاة والسلام قال ان العمل ده افضل من الصلاة والصدقة والصيام - 00:04:49

اصلاح ذات البين قال وفساد ذات البين هي الحالة لا اقول تحلق الشعر ولكن تحلق الدين فساد ذات البين ان انت يكون بينك وبين اخوك المسلم بينك وبين آاً أبوك وامك بينك وبين زوجتك وبين آاً شيخك او بينك وبين التلميذ - 00:05:10

بتعاك فساد في العلاقة ذات البين في تحريش في العلاقة في فساد في مشاكل في خناقات النبي عليه الصلاة والسلام قال ده ايه قال هي الحالة فساد ذات البين هي الحالة. الحالة يعني - 00:05:31

بتحلق قال لا اقول تحلق الشعر يعني في فرق بين انت لما مسلا بتعمل عمرة يقول لك في تقصير وفي ايه حلق اه انت بتتأسر يعني بتقصص مسلا بالمقص كده - 00:05:48

وفي حل انت بتحلق بالموس تماما بتشيل شعرك فالنبي عليه الصلاة والسلام قال ان فساد ذات البين هي ايه الحالة لا اقول تحلق الشعر ولكن ايه تحلق الدين يعني بتحلق الدين بتخلي الدين الواحد ده ايه - 00:06:01

ادي له ايه ؟ اتحلق جيش دين يعني كأن الشعر اللي اتشال ده وقع كله ده كذلك فساد ذات البين بتعمل كده فالشيطان راضي بده ليه يعني الشيطان خد بالك لما نزل من مرتبة الشرك والكفر رضي بدي فمعنى كده ان الامر ده ايه - 00:06:18

خطير جدا معنى كده ان الشيطان مركز على الباب ده وللاسف بيوقع كتير مننا في الباب ده وهو مش حاسس فالامر ده محتاج ترکز عليه. فساد ذات البين. طيب ليه الشيطان - 00:06:35

عايز يو Buckley في مسألة التفريق بين الناس اول حاجة الشيطان عايز يمنع عنك الخير يعني مثلا انت مثلا ايه عايز تصلي فالصلاه النبي عليه الصلاة والسلام قال عنها الصلاة نور - 00:06:50

وقال ان الصلاة سبب في تكبير السيئات. يعني انت لما بتصلي قال اه اه الصلوات الخمس والجمعة الى الجمعة ورمضان الى رمضان مكفرات لما بينهن ما اجتنبت الكبائر. يعني وانت بتصلي الصلاة من الفرض للفرض ده - 00:07:10

ايه بيكرف السينات بتعاتك بيغفر الذنوب بتعاتك وانت ماشي المسجد كل خطوة تاخد حسنة وكل خطوة تشيل سينه والصلاه بتعاتك مع الامام في الجمعة تغفر لك الذنوب. وبسبعة وعشرين درجة - 00:07:28

يعني فالصلاه لما النبي عليه الصلاة والسلام حب يبين لك ازاي اثر الصلاه على الذنوب والمعاصي قال قال ارأيتم لو ان نهراء بباب احدكم يغتسل منه كل يوم خمس مرات - 00:07:42

هل يبقى من درنه شيء يعني لو واحد قدام البيت عندك فيه ايه نهر انت كده بتفتح الباب بتلقي ترعة كده قدامك ماشي ؟ تلقي نهر بحر قدام البيت عندك فانت بتنزل كل يوم ايه - 00:07:55

اه تعوم في البحر ده تبلطف شوية ماشي هل يبقى من درنه شيء الدرن هو الوسخ يعني لو واحد بينزل البحر خمس مرات في اليوم هيبقى في في جسمه اي وسخ - 00:08:11

قالوا لا لا يبقى من درنه شيء. قال فذلك مثل الصلوات الخمس يمحو الله بهن الخطايا طيب انا هسأل سؤال لما انت عايز تصلي وعايز زنوبك تتغفر الشيطان هيبقى عايز ايه - 00:08:24

يعني الشيطان هيبقى عايز ان انت زنوبك تتغفر لـ الشيطان هدفه ان انت ايه ان انت تعمل ذنوب وان انت تفضل الذنوب بتعاتك تزيد علشان ايه تدخل النار صح فبالتالي لما انت تبقى عايز تصلي الشيطان هي عمل ايه - 00:08:41

هيفك لك في الطريق يعني لازم اكون مستحضر ان ما دام الحاجة دي هتجيب لي تواب وهتقربني من ربنا وهتخلي ربنا يحبني
وهتدخلني الجنة وهرفع درجاتي في الجنة ان الشيطان مش هيفك ايه - 00:08:58

عايز تصلني بجد والله ربنا يوفقك مش هيعلم كده الشيطان هيوقف لك في الطريق مسلا بنت عايزه تاخذ خطوة في
حجابها الحجاب ده لما هي تاخذ الخطوة دي ربنا هيرضى عنها وهيحبها وطول ما هي ماشية ده عدد حسنا شغال - 00:09:10
جميل الشيطان هيبقى حابب ده يعني الشيطان هيبقى حابب ان انت تاخدي حسناته وان انت ربنا يحبك وان ربنا يرضى عنك وان
انت تبقي في درجات عالية في الجنة انت طول ما انت ماشية عدد الحسنات بتاعك شغال؟ الشيطان هيحب ده؟ مش هيحب ده
طبعا. فبالتالي لما هاجي اخذ خطوة في الطاعة الشيطان ايه - 00:09:28

هيفك قيس بقى على كل ده ايه كل حاجة يعني كل الاعمال الصالحة اللي انت هتبقى عايز تعملها الشيطان هيبقى كاره ده كاره ان
انت تتاب. كاره ان انت تفضل عليه. كاره ان انت تاخذ حسناته وان انت تدخل الجنة. احنا قلنا ان هدف الشيطان ايه - 00:09:48
ان هو يدخلك النار يعني مش هدف الشيطان ان انت تعمل معصية لا الشيطان هدفه ان انت تخلد في النار ان انت تكفر بالله سبحانه
وتعالى فدي النقطة الاولانية اللي احنا عايزين نقول ايه؟ ان ليه الشيطان يفرق بين الناس؟ اول حاجة اول سبب من اسباب ان
الشيطان حريص على التفريق - 00:10:08

بين الناس اول سبب ان الشيطان عايز يمنع عنك الخير. طب فين الخير خلينا بس نركز في النقطة دي. احنا بنقول ان الشيطان من
مدخل الشيطان التفريق بين الناس طيب احنا عايزين نعرف هو هدفه ايه يعني ليه عايز يفرق بين الناس - 00:10:30
لرضي بالتحريش بينهم اول حاجة قلنا ان الشيطان من اعظم المداخل بتاعته ان هو عايز يمنع عنك ايه كل خير صاحبوا مع
شوية يا اخوانا بس الله يبارك لكم الشيطان عايز يمنع عنك ايه - 00:10:48

كل خير طيب ايه الخير اللي في عكس التفريق بين الناس الاجتماع الصلة الحب في الله العلاقات القوية الترابط الصحبة فهدف
الشيطان ان هو عايز يمنع عنك دي. يعني لما النبي عليه الصلاة والسلام قال حديث جليل - 00:11:02
آآ كان احـد السـلف احـد التـابـعين اسـمـه ابـو مـسـلـمـ الخـوـلـانـيـ كانـ فـيـ دـمـشـقـ فـدـخـلـ المسـجـدـ مـسـجـدـ اـهـلـ دـمـشـقـ فـلـقـيـ اـيـهـ وـاـحـدـ كـدـهـ
شـابـ شـكـلـهـ جـمـيلـ جـدـاـ قـاعـدـ وـجـنـبـهـ مـجـمـوعـهـ مـنـ الصـحـابـ كـهـولـ مـنـ الصـحـابـةـ - 00:11:23

فلقـيـ الشـابـ دـهـ بـيـقـولـ بـيـوـصـفـ شـكـلـهـ يـقـولـ بـرـاقـ الشـنـاـيـاـ شـكـلـهـ حـلـوـ كـدـهـ وـكـلـ ماـ بـيـخـتـلـفـواـ مـجـمـوعـهـ مـنـ اـصـحـابـ النـبـيـ عـلـيـهـ الصـلـاـةـ
وـالـسـلـامـ كـلـ ماـ بـيـخـتـلـفـواـ فـيـ حـاجـةـ بـيـرـجـعـواـ لـمـيـنـ لـلـشـابـ دـهـ - 00:11:39
وبـعـدـيـنـ لـمـاـ بـيـقـولـ لـهـ حـاجـةـ بـيـسـمـعـواـ كـلـامـهـ فـسـأـلـ اللـيـ جـنـبـهـ قـالـ مـنـ هـذـاـ مـعـاذـ بـنـ جـبـلـ دـهـ مـيـنـ مـعـاذـ سـبـدـنـاـ مـعـاذـ رـضـيـ اللـهـ
عـنـهـ فـبـيـقـولـ اـيـهـ هـوـ حـبـهـ جـدـاـ مـنـ شـكـلـهـ جـمـيلـ وـلـهـ سـمـتـ كـدـهـ وـقـاعـدـ وـالـنـاسـ كـلـهـ اـيـهـ بـتـسـمـعـ كـلـامـهـ فـحـبـهـ - 00:11:52
فـجـهـ بـعـدـ فـتـرـةـ يـعـنـيـ قـالـ اـسـتـنـيـتـ صـلـاـةـ فـيـ الـغـدـاـ فـجـيـتـ فـلـقـاهـ اـيـهـ؟ـ لـقـيـ سـيـدـنـاـ مـعـاذـ وـاقـفـ عـنـدـ سـارـيـةـ بـيـصـلـيـ فـيـ الـمـسـجـدـ فـقـالـ وـقـفـتـ
جـنـبـهـ وـصـلـيـتـ وـبـعـدـ لـمـاـ سـلـمـتـ مـنـ الصـلـاـةـ - 00:12:11

سلـمـتـ عـلـيـهـ وـقـلـتـ اـيـ اـحـبـكـ فـيـ اللـهـ اـهـ فـقـالـ مـعـاذـ كـيـفـ قـلـتـ وـفـيـ رـوـاـيـةـ قـالـ اللـهـ فـقـلـتـ اللـهـ لـمـاـ قـالـ لـهـ كـيـفـ قـلـتـ؟ـ قـالـ وـالـلـهـ اـنـيـ
لـاـحـبـكـ فـيـ اللـهـ فـقـالـ كـيـفـ قـلـتـ؟ـ قـالـ وـالـلـهـ اـنـيـ لـاـحـبـكـ فـيـ اللـهـ.ـ فـقـالـ مـعـاذـ رـضـيـ اللـهـ عـنـهـ قـالـ سـمـعـتـ رـسـوـلـ اللـهـ صـلـيـ اللـهـ عـلـيـهـ وـسـلـمـ
يـقـولـ الـمـتـحـابـوـنـ - 00:12:25

الـلـهـ عـلـيـهـ مـنـابـرـ مـنـ نـورـ يـوـمـ الـقـيـامـةـ فـيـ ظـلـ عـرـشـ الـرـحـمـنـ الـمـتـحـابـوـنـ فـيـ اللـهـ عـلـىـ مـنـابـرـ مـنـ نـورـ يـوـمـ الـقـيـامـةـ فـيـ ظـلـ عـرـشـ الـرـحـمـنـ
شـفـ الـمـنـزـلـةـ دـيـ يـعـنـيـ قـيـمـةـ الـحـبـ فـيـ اللـهـ - 00:12:50

انـ اـنـتـ بـتـحـبـ اـخـوـكـ مـسـلـمـ فـيـ اللـهـ اـنـ اـنـتـ بـتـحـبـيـ اـخـتـكـ مـسـلـمـةـ بـتـحـبـيـ اـخـتـكـ مـسـلـمـةـ فـيـ اللـهـ ماـشـيـ؟ـ عـشـانـ اـيـهـ؟ـ بـرـضـوـ بـقـيـ فـيـ
حـبـ فـيـ اللـهـ دـلـوقـتـيـ بـسـ اـيـهـ هـوـ بـيـقـولـ لـكـ اـنـاـ بـحـبـهاـ فـيـ كـدـهـ - 00:13:07
الـقـيـمـةـ دـيـ اـيـهـ؟ـ مـتـخـيـلـ يـعـنـيـ اـيـهـ؟ـ يـعـنـيـ اـيـهـ عـلـىـ مـنـابـرـ مـنـ نـورـ؟ـ فـيـ ظـلـ عـرـشـ يـوـمـ الـقـيـامـةـ وـطـبـعـاـ عـارـفـينـ حـدـيـسـ سـبـعـةـ سـبـعـةـ فـيـ
ظـلـ عـرـشـ.ـ قـالـ وـمـنـهـ وـرـجـلـانـ اـيـهـ تـحـابـاـ فـيـ اللـهـ اـجـتـمـعـاـ عـلـيـهـ وـتـفـرـقـاـ عـلـيـهـ.ـ دـهـ يـوـمـ الـقـيـامـةـ لـمـاـ تـبـقـىـ النـاسـ الشـمـسـ تـدـنـوـ مـنـ الرـؤـوسـ

والناس غرقانة في العرق. في واحد واقف في - 00:13:22

ايه العمل اللي عمله ايه العمل اللي عمله بيحب واحد صاحبه في الله بيحب الشیخ بتاعه في الله. بيحب الاخ الفلانی في الله بس ده العمل اللي عمله اللي خلاه يبقى واقف فين - 00:13:46

في زل العرش العمل ده قيمته ايه كبيرة جدا يعني عارفين حديس الراجل اللي سافر من بلد بلد وآآ وربنا سبحانه وتعالى ارسل على مدرجته ملك ملك على هيئة انسان في الطريق بتاع الشخص ده - 00:14:01

فقاله فقال اين تريد؟ رايح فين قال اريد فلان انا مسافر رايح لفلان قال هل لك من نعمة اه تربها؟ يعني انت لك عايز مسلا مصلحة او ليك حاجة عند الشخص ده مسافر له من بلد بلد من قرية لقرية علشان تزوره - 00:14:17

لك مصلحة عنده؟ قال لا غير اني احبيته في الله مش مسافر من بلدي بلدي الثانية وتحملت تعب السفر غير اني بس ايه عايز ازوره بحبه في الله فقال قال اني رسول الله اليك وان الله يحبك - 00:14:35

يعني مش متخيل بس ان ربنا يرسل ملك لشخص مسافر من بلد بلد علشان يقول له ان انت عشان بتحب اخوك في الله ورايح عشان تزوره بس كده العمل ده ان ربنا ارسل له ما لك ويقول له ان ربنا بيحب عشان العمل ده - 00:14:54

ايه قيمة ده طيب بما ان احنا القاعدة اللي احنا اتفقنا عليها ان بما ان العمل ده انت هتاخد منه حاجة خير وهيرفعك الشيطان هي عمل ايه هيقف لك فيه فهدف الشيطان ان هو يفسد العلاقات. يعني تكملا حديث سيدنا معاذ - 00:15:10

لما آآ سيدنا ابو مسلم الخولياني خرج من من عند معاذ رضي الله عنه وقال لحد من الصحابة الحديس ده فقال سمعت رسول الله صلى الله عليه وسلم يقول حق محبتي يعني هو صدق على حديث سيدنا معاذ. وكم له بقى ايه؟ الكلام بتاع النبي عليه الصلاة والسلام. قال حق محبتي. ده مين اللي بيقول كده - 00:15:28

ربنا سبحانه وتعالى حق محبتي للمتحابين فيه. وحق محبتي للمتزارين فيه. وحق محبتي للمتواذلين فيه وحق محبتي للمتناصحين فيه للمتحابين بجال الله على منابر من نور يوم القيمة يغبطهم الانبياء. انت متخيل ده يعني - 00:15:48

منزلة عالية جدا. كل الاعمال اللي ذكرت في الحديس ايه حق محبتي للمتحابين في متزارين فيه المتناصحين في المتواذلين في يا ريت تتصح اخوك في الله تزوره في الله تبذل من نفسك ومن وقتك عشانه. كل دى اعمال ايه - 00:16:10

اعمال صلة يعني اعمال فيها ترابط بين المجتمع بين الاخ المسلم واخوه. صح الشيطان هدفه ان هو يعمل ايه يقطع ده يفرق ده عشان يفوت عنك الخير ده يعني مثلا - 00:16:29

ثواب البر بر الوالدين لما سيدنا عبدالله بن مسعود رضي الله عنه سأله النبي عليه الصلاة والسلام قال يا رسول الله اي العمل احب الى الله تعالى ايه اكتر عمل ربنا بيحبه - 00:16:44

قال الصلاة على وقتها قال ثم ايه؟ قال ثم بر الوالدين فقال صلى الله عليه وسلم الوالد او سط ابواب الجنة يعني احسن ابواب الجنة يعني بر الوالدين ده احسن باب من ابواب الجنة. يعني فيه باب من ابواب الجنة ده باب البر - 00:16:56

ان انت تسمع كلام امك وان انت تكون بار بها وتريها وتطيعها ده ايه؟ ده باب من اعظم ابواب الجنة طب الشيطان هي عمل ايه هيسيبيك تدخل من الباب ده هيقف لك - 00:17:14

فهيفسد العلاقة اللي بينك وبين اهلك فساد ذات البين. ليه؟ علشان يضيع منك ثواب البر طيب العلاقة بين الراجل وبين زوجته شف هو كل دى ايه؟ علاقات هيبني عليها - 00:17:28

ثواب عظيم يعني اما ان انت بالبر ده توصل لاعلى الدرجات اعلى منزلة واما العكس اللي هيجي معنا اللي هو العقوبة ان هو ينزلك في في اسفل سافرين والعياذ بالله - 00:17:43

ايه علاقة الراجل بمراته الزوج بزوجته العلاقة اللي هو كل كلمة طيبة بيقولها لزوجته صدقة. الصدقة اللي هو مسلا بيطعم زوجته دى صدقة كل عمل صالح بالكلام الحلو والكلام الطيب ان هو آآ ياخد باله منها القوامة. كل ده ايه - 00:17:55

ان لما تكون العلاقة سوية والعلاقة فيها ارتباط وحب مودة آآ الزوج هنا ايه بياخد ثواب والزوجة بتاخذ ثواب يعني كأن عدد حسنات

ايه؟ شغال عداد حسنات شغال. الشيطان هيبيقى عايز يعمل ايه؟ عايز يضيع منك الثواب ده - 00:18:16

فهمتوا القصة الاولانية؟ فهدف الشيطان من التفريق بين الناس الهدف الاول الخبيث اللي هو عايز يوصل له ان هو يضيع منك اي ثواب مفهوم طيب الهدف الثاني ان هو يوقعك في - 00:18:33

الشر يعني هو لو اكتفى ان هو يضيع منك الخير فهو ما بيسكتش عند الحنة دي. هو مش بس عايز يضيع منك الثواب. هو عائز يخليك ايه؟ تنزل يعني هدف الشيطان مش ان انت تقف ما تعملش الخير بس لا لا - 00:18:49

هو بيقف عند كده مع ناس معينة لو هو خلاص مش قادر ينزلك فيبيسيك خلاص ما تعملش اقعد يثبتك على الطاعة انت ما بتعملش معصية فيقول لك خلاص انت كويس كده بس ايه - 00:19:07

ريح ماشي طيب في واحد تاني هو بيستجيب للشيطان فيبتدئ ينزله فهدف الشيطان من التفريق بين الناس ايه اللي ممكن يحصل لو حصل فرقة وكره وبغضاء بين الناس ايه اللي هيحصل - 00:19:20

ها كان قتل صح؟ يمكن واحد يقتل واحد عشان بيكرهه صح ممكن الحسد الغيبة نميمة ظلم انت بس هتقعد تعد يعني اصلا ممكن اغلب السينات اللي احنا نعرفها هتبقى ممكن اصلها ايه - 00:19:37

العداوة والبغضاء تفريق بين الناس في التحرير بينهم يعني ممكن واحد يطلق مراته ليه؟ عشان الشيطان بدأ يقذف في قلب الانسان ده العداوة البغضاء ناحية مراته ممكن واحد يظلم حد - 00:19:57

بسbib; العداوة البغضاء. ممكن واحد يحسد ليه بسبب العداوة والبغضاء. واحنا ضربنا على ده مثال يعني آآ قصة يوسف عليه السلام ايه اللي حصل - 00:20:11

يعني اصل القصة ايه؟ يعني ليه سيدنا يوسف تعرض للظلم ده؟ ليه قال اذ قال يوسف لابيه يا ابتي اني رأيت احد عشر كوكبا والشمس والقمر رأيتم من الساجدين قال يا بنى لا تقصص رؤياك على اخوتك - 00:20:30

يكيدوا لك كيدا. طب سبب الكيد ايه ان الشيطان الانساني عدو مبين يعني هدف الشيطان ان هو يعمل ايه يحرش بين الناس حتى بين الاخ واخوه وصل اخوه يوسف انهم يقولوا ايه - 00:20:46

لقد كان في يوسف واخوته ايات للسائلين اذ قالوا ليوسف واخوه احب الى ابينا منا ونحن عصبة ده المدخل اللي الشيطان بيدخل منه ان ابانا لفي ضلال مبين. طب نعمل ايه؟ اقتلوا يوسف - 00:21:02

تخيل ان ممكن بالتحريض بين الناس التفريق بين الناس الشيطان يصل انسان ان هو ايه يقتل ويقتل مين؟ يقتل اخوه يعني لما احنا المرة اللي فاتت اتكلمنا عن سورة الاعراف - 00:21:17

في سورة المائدة المدخل اللي جه مدخل الشيطان قال تعالى يا ايها الذين امنوا انما الخمر والميسر والانصاف والازلام رجس من عمل الشيطان لعلكم تفلحون انما يريد الشيطان. يريد ايه - 00:21:30

عايز ايه الشيطان انما يريد الشيطان ان يوقع بينكم ايه بقى العداوة والبغضاء يعني هدف الشيطان صنع حاجة اخترع حاجة ودي ان شاء الله هنبقى نتكلم عنها وبعدين هدفه من ده ايه؟ ان هو يوقع بين الناس العداوة والبغضاء. ان هو يخليك تكره صاحبك - 00:21:47

ان هو يخليكي تكره صاحبتك. ان هو يخليك تكره ابوك وامك ان هو يخليك تكره شيخك يوقع بينكم العداوة والبغضاء. ليه انما يريد الشيطان ان يوقع بينكم العداوة والبغضاء في الخمر والميسر ويصدكم عن ذكر الله وعن الصلاة. فهل انت منتهون - 00:22:11

بيقى هدف الشيطان ازاي يصل للصد عن سبيل الله ان هو يعمل ايه يوقع بينكم العداوة والبغضاء في عمل عنك ايه يعمل فيك ايه؟ يخليك تكره في سورة المائدة القصة اللي جت وجه فيها ذكر العداوة البيضاء جت قصة ايه - 00:22:32

ابني ادم قال تعالى واتلوا عليهم نبأ ابني ادم بالحق اذ قربا قربانا يعني الاثنين رايحين يعملوا ايه يعني ايه خربان القربان ده حاجة انت بتتقرب بيه الى الله يعني تزيد القرب - 00:22:52

واحد بي عمل طاعة عايز يعني اتنين رايحين يصلوا مع بعض. المشهد انتهى ايه ان واحد قتل الثاني انت لازم تستغرب يعني يا جماعة

دول اتنين يعني بدایة القصّة ما جابلکش مشهد اتنين قاعدين في خماره مسلا او اتنين قاعدين بيحشوا مع بعض وبعدين واحد

قتل الثاني - 00:23:12

هتبقى منطقية يعني اتخانقوا مع بعض فواحد موت الثاني اه اتنين كيلو متفقين بيسرقوا مع بعض وفي الآخر اختلفوا فواحد قتل الثاني. دي بالنسبة لك ايه حاجة ايه عادية منطقية. لكن الغريب ان الاتنين رايحين يعملوا ايه - 00:23:29

رايحين يعملوا طاعة. الشيطان قدر يدخل بينهم لحد ما وصل واحد يقتل الثاني وده خطورة التحريرش بين الناس الانسان اللي يستسلم للعداوة والبغضاء اللي تنزل في قلب الانسان دي ممكن توصله لكل الشر ده - 00:23:44

ان هو يحسد يتکبر يظلم ممكن يصل ان هو يقتل اذ قربا قربانا فتقبل من احدهما ولم يتقبل من الآخر. شف بعض العلماء قال ان الشيطان دخل للاخ الاكبر قال له ايه - 00:23:59

قال تسير في الناس يقولون تقبل منه ولم يتقبل منه قال له انت عايز تمشي في وسط الناس يقولوا ده ربنا تقبل منه وما تقبلش منك شوف المدخل ازاي ان انت تمشي وربنا يتقبل منه وما يتقبلش منك؟ بدل ما كان يسأل اخوه طب انت عملت ايه عشان ابقي كويس زيك وربنا يتقبل مني؟ ايه - 00:24:16

الحاجة اللي انت عملتها عشان ابقي زيك لا هو قرر ان هو بيجي يقتله اذ قربا قربانا فتقبل من احدهما ولم يتقبل من الآخر قال لاقتنك القفزة دي يا جماعة مش عادية. يعني فكرة ان اتنين واقفين يصلوا جنب بعض لسه حتى امبراح سبحان الله - 00:24:39

واحد كده طيب بيصللي معنا في المسجد اه بيبقى حاجات قدام المسجد وكده ويدخل يصللي معنا. راجل طيب خالص فلقيته بعد الصلاة وبقى برة ومتشنج ومتترفرز خالص بس هدي اعصابك بس يا عم احمد اعصابك بس امسك نفسك هو الراجل ايه - 00:25:00

آآ الراجل الافريقي قاعد هو عايز يشده يدخله في الصف معه. هو عايز يقف يصللي لوحده وهو الراجل عايز ياخده ايه؟ يوقفه في الصف. يعني عشان يبقى يكمل الصف - 00:25:15

فهو متضايق وازاي شف اتنين داخلين يصلوا يعني انت ممكن انت واحد مسلا واقف جنبك واحد في الصف عشان كده النبي عليه الصلاة والسلام قال لينوا في ايدي اخوانكم لا تجعلوا فروجات للشيطان بينكم. ان ممكن تبقى انت واقف جنبك واحد واقفين بتصلوا - 00:25:30

وتلاقي ايه هو انت مسلا بتقول له طب استحالة كده شوية فتللاقيه يقوم نافخ ومتضايق بتحس ان انت عايز تحط رجلك جنب رجله تحس ان انت ايه رجلك فيها جرب مسلا ويقوم ببعد يا عم والله انا مش عايز اعضاك اسبت بس ايه طب اطلع قدام شوية تحس ان هو - 00:25:47

ومشدود. وهو فين في المسجد بيصللي يعني واقف على قبلة الصلاة ومع ذلك الشيطان تخلف دي يعني هو عايز يوقع العداوة البغضاء بينك حتى وانت في الطاعة في طريق الطاعة - 00:26:03

تبقى مسلا بنت مسلا ما شاء الله بتحفظ قرآن ولها المعلمة بتاعتتها بتعلمتها فيبتدى ايه العلاقة دي الشيطان ما بيحبهاش العلاقة دي خطر على الشيطان الشيطان عايز يعمل ايه؟ عايز يفسد العلاقة دي. ليه لما يفسد العلاقة هي عمل ايه؟ هي هتنقطع عن الخير اول حاجة وهتبقى لوحدها. ودي النقطة الثالثة اللي هتكلم عنها. فالشيطان يدخل - 00:26:18

ايه ده هي ما بتردش عليك ليه؟ هي متكبرة ولا ايه؟ هي ازاي تشد عليك كده في الكلام؟ هي ازاي مش لحد لما يوصلها ان هي تكره المعلمة بتاعت فباتالي تبطل حفظ قرآن - 00:26:40

آآ واحد مسلا الشيخ اصل الشيخ شد على شوية في الكلام فانا ما عدش حاضر الدرس ثاني مثلا وده ايه انا بضرب امثلة بده ليه؟ لأن احنا بنشوف ده يعني واحد مسلا ايه - 00:26:54

هضرب لك مسال ممكن تستغرب قصة جدا. واحد يعني صديق لي طيب جدا يعني شخصية طيبة جدا لابعد ما تتخيل. فجأة لقيته ايه ما بيجيشه الفجر ما بيحضرش المقرأة ما بيحضرش الدرس - 00:27:05

غایب يعني بقى له فترة يعني فانا مستغرب يعني كان معنا على طول حتى المسجد اللي بنصلني فيه ما بقاش بيجي يصلني فيه اكلهم ما بيردش فانت ايه يا عم في ايه ما لك؟ المهم بعد فترة ايه رد علي - 00:27:21

ايه يا فلان انت في ايه ما بتجييش ليه؟ حد زعلك طب انت زعلان مني في حاجة؟ طب آآانا بحاول تسد عليه ايه؟ آآمداخل الشيطان. طب ايه اللي حصل - 00:27:34

فالهم فين وفين لما ايه حكى لي القصة قال لي في حد من اللي بيجي معنا؟ قلت له حد من المجموعة يعني ضايقك زعلك وكده؟ قال لي حد من اللي بيجي معنا حصل بيني وبينه موقف كده فانا ايه زعلان - 00:27:44 فعشان كده ما عدتش باجي. طب ايه الموقف اللي حصل تخيل كده هو كان في يوم من الايام كانوا في الجامعة فهو ايه راح يسلم على الشخص الثاني ده تقريبا الشخص الثاني ده كان مشغول او حاجة زي كده فسلم عليه قال له ايه ازيك يا فلان؟ سلام ايه سريع كده يعني - 00:27:56

وبعدين ايه هو صاحبنا ده بيلف فلقى بنت لابسة نفس اللون اللي الولد صاحبه ده لابسه فالشيطان راح جاي له قال له ايه؟ قال له ايه ده هو بيترسم عليك قدامها هو بيعمل مش عارف ايه. موقف هو بيحكى لي - 00:28:15

انا بقىت ايه مستغرب يعني مستغرب ان ازاي الشيطان دخله المدخل ده ايه ده هو هو بيكلمك كده ليه؟ وكانت النتيجة ايه ما بيحيش الدرس ما بيحيش الصلاة ما بيحيش المقرأة ليه؟ علشان هو الولد لابس نفس اللون اللي البنت لابس فالشيطان قال له يبقى هو بيترسم عليك قدامها - 00:28:29

ماشي؟ ما بيحيش قلت له يعني اما قعدت اتكلم معه شوية آآانا بس عايز اقول ايه؟ ان ان دي ممكن تبقى قصة بالنسبة لك غريبة شوية لكن ده بيحصل. الشيطان بيعمل ده - 00:28:49

هو هو قصده ايه بالكلام ده؟ هو ازاي يقول لك كده؟ هو وانت ترن على واحد صاحبك ما يردش عليك. هو اصلا بيتكبر عليك. هو مش عايز يرد عليك. هو اصلا ويبيتدى يعمل ايه - 00:29:01

عداوة وبغضه يرمي لك حاجات تسيء فيها الظن وده الحاجة اللي هنتكلم فيها بازن الله بعد شوية. فعلشان ايه يحصل شقاق يحصل فرقه. فلما تسيب صاحبك وتسيب الصحبة تبقى لوحدك - 00:29:11

طيب الاعمال الصالحة بتاعتك ماشي؟ فدي من اهداف الشيطان التفريق بين الناس فاتنين مع بعض في طاعة ممكн الشيطان يدخل بينهم يخليه يكره الشيخ بتاعه يكره صاحبه اللي ماشي معه في الطريق. يكره آآتكره المعلمة بتاعتها - 00:29:27

قال تعالى واتل عليهم نبأ ابني ادم بالحق اذ قربا قربانا فتقبل من احدهما ولم يتقبل من الاخر قال لاقتلنک قال انما يتقبل الله من المتقين لئن بسطت الي يدك لقتلني. ما انا بياسط يدي الي لاقتلک. اني اخاف الله رب العالمين - 00:29:45

اني اريد ان تبوء باثمي واثمك فتكون من اصحاب النار وذلك جزاء الظالمين. اسمع ربنا قال بعدها ايه قال فطوعت له نفسه قتل اخيه قتلة طوعت له نفسه مش تنفضل يووسوس يووسوس للنفس - 00:30:03

لحد لما وصل شف التطوير دي احنا قلنا ان هي ايه حاجة صعبة بنتطوع طوعت له نفسه قتل اخيه وقتلها فاصبح من الخاسرين هنا ممكн الشيطان يوصل الانسان ان هو يقتل. اتنين مسلا شغالين على في موقف مسلا سواقين دايما تلاقي السواقين ميكروبات مسلا او الاجرة في الموقف دايما تلاقيهم - 00:30:25

ايه ماسكين في بعض وبيتخانقوا مع بعض. في الغالب ليه ده خد الزبائن بتاعتي وده دخل قبلى وده مش عارف ايه دايما تلاقيهم ماسكين في بعض. في يوم من الايام تلاقي اتنين مسکوا في بعض على اجرة واحد ونزلوا اتخانقوا مع بعض - 00:30:49

وايه راح واحد مموت الثاني طلع مطوة وضرب الثاني موته انتهت القصة على كم؟ على عشرة جنيه خمسة جنيه هل الشخص ده وهو نازل من بيته الصبح كان ناوي انا نازل النهاردة ايه بعد العصر كده عايز اموت واحد ما كنش ما كانش ناوي ده - 00:31:03 لكن الشيطان بيدخل من المدخل ده. فيبقى ده مدخل خطير ولا المدخل ده ممكн يخلي الانسان ان هو يكفر بالله يعني الشيطان من ان هو يخليك يحصل عداوة بينك وبين انسان ممكн يوصلك مع الغضب ان انت تقول كلمة كفر مسلا - 00:31:19

بسبيب ايه موقف تاني يدخل يدخل من الموقف ده يخلي الانسان يغصب فيخرج من الاسلام موقف واحد بس تخيل الموقف فهنا ان احنا قلنا ان هدف الشيطان ايه من التفريق بين الناس؟ الهدف الاول ان هو يمنع عنك الخير - 00:31:35
يمنع عنك آآحب الحب في الله. آآان انت تأخذ خير شيخك. ان انت آآتبقي بار باهلك. ان انت يبقي فيه صلة رحم. هو عايز يمنع عنك ثواب الصلة - 00:31:53

سود البر سواد الحب في الله عايز يمنع عنك ده. ماشي؟ الحاجة الثانية عايز يوعلك فين؟ في الشر. لأن انت لما يحصل خلاف بينك وبين اخوك المسلم ايه اللي هيحصل؟ انت اتخانقت مع واحد صاحبك ايه اللي بيحصل في العادي - 00:32:03
كنتم صحاب وبعدين حصل بينكم خلاف جامد وايه اتخانقوا مع بعض وشتموا بعض وحصل بينهم مشاكل. ايه اللي هيحصل بعدها هيبيتدى ايه؟ يتكلم عنه يهتك اسراره اه يفترى عليه - 00:32:19
لما يشوفه يلف وشه قال صلى الله عليه وسلم اه ايامكم والظن فان الظن اكذب الحديث ولا تحسسوا ولا تجسسوا ولا تحاسدوا ولا تدابروا لا تدابروا يعني ايه - 00:32:34

يعني انت تشوف اخوك المسلم بينك وبين بعض ايه خناقة فيقوم مدي له ضهره كأني ما اعرفوش الشيطان بيحب اللقطة دي الشيطان بيحب المشهد ده. الشيطان بيحب اكتر حاجة يحبها ان هو يفرق بين الناس - 00:32:55
لما قلنا في الحديث ان الشيطان يجلس على العرش. الشيطان له عرش ويوميا بيعمل لقاءات مع ايه مع مع الابالبس الصغيرين مركز الشيطان مركز فيبعث سراياه بيعبت لنا ايه الشياطين يضلوا بني ادم - 00:33:10
بعدين ايه قال النبي عليه الصلاة والسلام حيس مسلم قال فادناهم منه منزلة اعظمهم فتنه يعني اكتر واحد الشيطان بيحبه اللي هو مين اللي هو ايه اللي هو اكتر واحد عمل فتنه بين الناس. فيجي ايه الشيطان يقوم الشيطان سأله هي عملت ايه - 00:33:30
بيأخذاليومي ماشي؟ عملت ايه النهاردة؟ فيقول ايه؟ فعلت كذا وكذا. او في رواية قال ما زلت به حتى سرق فيقول ما صنعت شيئاً لا لا لا مش انت فيجي واحد فيقول ما زلت به حتى زنا فيقول ما صنعت شيئاً - 00:33:50
فيقول يأتي شيطان ويقول ما زلت به حتى فرقت بينه وبين امرأته فايها ففي رواية قال فيلتموا يدئنه ويحضنه ويقول انت انت نعم انت وكده ايه يلبسه التاج ويقعده جنبه انت ايه؟ طب ده عمل ايه؟ انت تستغرب يعني القتل والزنا والسرقة دي دي بالنسبة للشيطان ايه - 00:34:07

عادي لكن فرقت بينه وبين امرأته دي ايه؟ قال له انت انت نعم انت ليه؟ اشمعنا الفرقه اشمعنى الفرقه ما هو بس انت يعني الواقع قريب يعني شف اتنين بس اتطلقو مسلا في جنبك كده في اي حته - 00:34:33

ايه اللي بيحصل للعيال؟ اخبار العيال ايه؟ اخبار الحقوق ايه الرجال بيعمل ايه في الحقوق اخبار محكمة الاسرة عاملة ايه؟ اخبار المست اللي هي طول ما هي قاعدة ده كان فيه وفيه وتقعد تفترى هي هي وامها وصحاباتها وخالتها - 00:34:52
اللي على الفيسبوك شف كم ذنوب غير عادي وهو يستحل الكلام عنها وعن عرضها ويقع فيها ويفترى عليها بالباطل ويمنع الحقوق يظلمها وقال تعالى في ايات الطلاق قال ولا تنسوا الفضل بينكم - 00:35:08

اشمعنا جتووا ولا تنسوا الفضل بينكم في الطلاق؟ اشمعنا ايات التقوى في الطلاق هتلaci تلات ايات بتتكلم عن التقوى. ومن يتق الله يجعل له مخرج ويرزقه من حيث لا يحتسب. ومن يتق الله يجعل له من امره يسرا. ومن يتق الله - 00:35:29

كفر عنده سيناته ويعظم له اجره. تلات ايات بتتكلم عن التقوى. وفي نهاية السورة وكأين من قرية عتت عن امر ربه. ورسله فحاسبناها حسابا شديدا وعذبناها عذاب النكر. شف ايات ايه؟ ان ربنا بيتكلم بعد الطلاق عن اهلاك القرى اللي عتت عن امر ربه - 00:35:45

اشمعنى يعني ده كده حاجة عبث مسلا الآيات دي جاية هنا لا لان اللي عاش التجربة دي وهو فاهم يعني ايه طلاق يعني ايه ان الشخص ده له حق؟ يعني ايه ان كان في علاقة ارتباط اسري؟ وبعدين الارتباط ده انفصل - 00:36:07

الشيطان بيحب البيئة دي جدا دي بيئه استحال عرض غيبة نميمة ظلم منع حقوق العيال يطلعوا آآ في في بيئه مشوهه نفسيا ما فيش تربية ما فيش كل ده بيحصل بسبب ايه؟ ممكن بعدها والعياذ بالله الام آآ بسبب ضغط - 00:36:26

لضغط المجتمع عليها ان هي تقرر ان هي آآ تتنازل عن كثير من دينها بسبب اتفصال آآ عن اتفصالها وبسبب منع جوزها للحقوق. حالات كتير بتتشوفها حواليك فالشيطان هدفه ان هو يفرق بين الناس - 00:36:44

كم دلوقتي بسبب الشيطان؟ كم عيلة آآ منفصلين عن بعض وقام اب مقاطع عمامه وعماته وكم واحد مقاطع اهل ابوه اهل امه؟ شف شف الشيطان قدر ان هو ينجح ان هو يفرق بين الناس. دي بيئه شيطان بيحبها زي ما قلنا. طيب - 00:36:58

النقطة الثالثة هدف الشيطان ان هو يصل التفارق بين الناس ودي نقطة نتيجة شوية يعني هدفه من ان هو يمنع عنك الخير وان هو يوقعك في الشر هدفه ان هو يخليلك لوحدك - 00:37:19

الشيطان ما بيحبش ان انت في وسط صحبة في وسط بيئه هو ما بيحبش ده ، ليه ؟ لان وانت في وسط الصحبة في وسط البيئة انت هنا ايه ها - 00:37:36

ما لكم يا اخوانا فين انت قوي شوية. يعني انت لو داخل خناقة لوحدك غير لما تبقى ده خناقة ايه معك آآ واحد غير لما تبقى داخل خناقة معك عشرة - 00:37:49

غير لما تبقى داخلة معك مية انت هنا معك جيش يعني مش معك ايه بقى؟ فانت احساسك وانت هنا هتبقى ايه؟ لا واحد يبقى واحد باله من جنبك وواحد بيبقى واحد باله من ضهرك انت - 00:38:01

امن يعني معك ناس حواليك فده طبعا ايه يعني مش بنقول ان انت اتخانق يعني احنا احنا بنضرب مثال يعني لكن بنقول ان الشيطان بيحب ان انت تبقى ايه؟ في وسط الصحبة وفي وسط البيئة؟ لا لا. فخد بالك اسمع بس ايه يعني دي انا باللي انا شفتها في في في الطريق القصير اللي احنا - 00:38:14

احنا مشينا يعني ده من اكتر الحاجات اللي بتخليل الشباب ما يكمش ويبعد عن الطريق ان هو اما ابتداء ما يعرفش يغير الصحبة او اما ان هو يقرر ان هو بيقى لوحده - 00:38:31

ما يكمش ما يجيش وانا هقول لك يعني شفت ده كتير في الشباب اللي مسلا تيجي تحضر الدرس او الصحبة بتاعتنا او مجموعة الشباب ان الشيطان حريص ازاي ان هو يدخل - 00:38:44

ان كل واحد بيعد عن البيئة دي فانت مهما كان انت هنا الحمد لله بتيجي في بيئه البنات ما شاء الله عاملين بيئه كويسيه بيتجمعوا مع بعض بيشجعوا بعض على الحفظ بيشجعوا بعض على سماع الدروس - 00:38:56

تمسك بالبيئة دي امسك البيئة دي ما يجيش شيطان يفرق حتى لو اخوك المسلم حصل منه حاجة حتى لو اختك حصل منها حاجة تحمل ده تحمل ده. ما فيش مشكلة ما انت برضه مش في الجنة يعني - 00:39:09

يعني ما فيش مشكلة ان انت تلاقي واحد صاحبك آآ يعني هو بيشجعك على الخير بس هو رخ. يعني مش مشكلة معلش استحمله استحملوا معلش هو برضه كويسي يعني ما بيمنعكش من الطاعة وبيشجعك على الطاعة - 00:39:24

ما شجعكش على المعصية فمعلش هو مش ظريف دمه تقيل معلش استحمله شوية مفهوم في ميزان حسناتك برضو ان شاء الله فالحقيقة ان الشيطان ان هو يبعدك عن البيئة دي. ليه - 00:39:39

لان يا جماعة انت بتتفرج مسلا ايه على مسلا الناشيونال جيوجرافيك مسلا ولا حاجة لو بتلاقي ايه ان بتلاقي مسلا اللاد وهو بيصطاد الغزلان مسلا بيعمل ايه وبيجري على القطيع مرة واحدة كده - 00:39:53

هو هو هيأكل الفاطرة كله؟ لا لا هو بيفضل يجري كده ايه يغربل في القطيع لحد ما واحدة تسرح لوحدها كده. هو بيسيب كله ويركز مع دي يركز مع دي - 00:40:06

سيبك بقى من الشيطان ده الذئب وهو بيجي يأكل بيدخل يهجم على ايه هو بتبقى مسلا الغنم كلهم في مجموعة واحدة الشيطان مش هيدخل الذئب مش هيدخل في ايه في وسط القطيع بتاع الغنم - 00:40:23

لأ هو بيعمل ايه بيلاقى غنمة كده ايه اه شاردة مع نفسها كده سارحة مع نفسها كده هو بيروح على دي فهو شيطان بيحب ان انت تعمل ايه ان انت تسرح - 00:40:38

مع نفسك ما بيجيش الدرس هبقى اسمعه انا بسمعه في التسجيل. تسمع التسجيل؟ لا ما بيسمعوش اصل انا عارف الكلام اللي بيتقا
اصل انا والله ما بحبش الشيخ ده اصل والله المكان الجو حر - 00:40:52

اصل والله المشوار مش عارف هيقدر ايه يديك مبررات وبعددين ما انت كويس ما انت بتصلني وانت يعني ما وهم يقولوا ايه جديد
يعني هيبقى ايه؟ هو هدفه ابعد من كده - 00:41:06

هو هدفه ان انت تقطع عن البيئة قال صلي الله عليه وسلم عليكم بالجماعة فاما يأكل الذئب من الغنم القاسية الذئب بيأكل منين من
الغنمة اللي شرطت مع نفسها فاياك ان انت تبعد عن الجماعة عن الصحبة عن البيئة لأن لما انت بتبعد انت بتبقى ضعيف الشيطان
بيتمكن منك - 00:41:19

وده اللي الشيطان عايزه وده اللي الشيطان عايزه فاحنا هنا قلنا تلات اهداف للشيطان من خلال التفريق بين الناس. الهدف الاول ان
هو ايه يحرمك من الخير الهدف الثاني ان هو يوعدك في الشر ان بعد التفريق بين الناس هتبقي في سلسلة من الایه - 00:41:44
من الزنوب ممكن تصل للقتل او للنفر الهدف الثالث ان هو يخليك لوحدهك. انا يأكل الذئب من الغنم القاسية طيب ازاي بيعمل كده
الشيطان ازاي الشيطان بيحرش بين الناس الشيطان له طريقة مشهورة جدا في التحرش بين الناس. معلش استحملوا معنا شوية -
00:42:03

صلوا عالنبي اول طريقة الشيطان بيستعملها في ان هو يفسد بين الناس ان هو يقذف في قلوب الناس سوء الظن توظن اللي هو
بالمناسبة هنا هو برضو بيمنع عنك ايه؟ بيمنع عنك الخير اللي هو حسن الزن. ان انت تحسن الظن في اخوك المسلم. ان انت يكون
عندك سلامة صدر - 00:42:27

عارفين حديث الرجل النبي عليه الصلاة والسلام قال يدخل عليكم رجل من اهل الجنة فاذا برجل لحيته ت قطر ماء ما بيعملش حاجة
فسيدنا عبدالله بن عمرو راح بات عند الراجل - 00:42:52

وفي الاخر قال له ايه قال له انا ما بعملش حاجة. لا ابي يقيم ليل ولا بيصوم. قال له انا بنام وايه اه ومش مش زعلان من حد
مسامح الناس كلها وعندي سلامة صدر - 00:43:05

تلاميذ الصدر دي الشيطان هيحبها لأ هو الشيطان عايز صدرك ايه؟ نار حقد وحسد وغل وفلانة ليه تتجاوز وانا ما اتجوزش وفلانة ليه
تتخطب وانا ما اتخطب وفلان مش عارف يبقى معه وانا مش معي ليه؟ وانا خير منه - 00:43:17

وانا المفروض ان انا اخد وهو شف يقعد بقى ايه يولع يبقى في نار في سدرك نار فهدفه مش ان انت يكون عندك سلامة الصدر مش
ان انت يكون عندك حسن ظن. ما هو حسن ظن انت تحسن الظن في اخوك المسلم. وان انت تحسن ده من اعمال القلوب. ان انت
تحسن - 00:43:32

ظن في شرع ربنا ان انت تحسن الظن في الله الشيطان بيتدرب معك يخليك تسيء الزن في النبي عليه الصلاة
والسلام وفي شرع ربنا سبحانه وتعالى تسيء الظن في ايه - 00:43:50

في ربنا سبحانه وتعالى فده الهدف اللي الشيطان او دي الطريقة اللي الشيطان بيوصل منها ان هو يفرق بين الناس. بيعمل ايه؟ آآ
احاديث بقى حديث النبي عليه الصلاة والسلام - 00:44:03

آآ السيدة صوفية بتروي الحديث صافية بنت حبي بن اخطب زوج النبي عليه الصلاة والسلام قالت ان النبي عليه الصلاة والسلام في
يوم من الايام جه علشان هي هي النبي عليه الصلاة والسلام كان معتكف والنبي عليه الصلاة والسلام في الاعتكاف جت السيدة صافية
تتكلم مع النبي عليه الصلاة والسلام. بعد لما خلصت كلام النبي عليه - 00:44:14

الصلاه والسلام قام ايه بيصلها فهو ماشي النبي عليه الصلاة والسلام ماشي وجنبه ايه آآ واحدة مراته فاتينين صحابه معدين فلما رأي
النبي صلى الله عليه وسلم اسرع تخيل كده انت ماشي فلقيت ايه النبي عليه الصلاة والسلام ماشي وجنب واحدة - 00:44:34

انت يا بيه اتحركت فرحت ايه ماشي مصرف فلما رأيا النبي صلى الله عليه وسلم اسرع. فقال صلى الله عليه وسلم اعلى رسلاكم انها صفية فقال سبحان الله يا رسول الله - [00:44:54](#)

سبحان الله يا رسول الله يعني احنا نشك فيك يعني سبحان الله فقال صلى الله عليه وسلم ان الشيطان يجري من ابن ادم مجرى الدم واني خشيت ان يقذف في قلوبكم شيئا او قال شرا او قال سوءا - [00:45:11](#)

النبي عليه الصلاة والسلام قال لهم ده كان ممكنا يحصل يعني كان ممكنا الصحابة يسيئوا الظن في النبي عليه الصلاة والسلام اشطرن يجي له. هو النبي ماشي مع مين؟ مين الست اللي ماشي معها دى؟ وماشي - [00:45:33](#)

بالليل متخيل؟ طيب سوء الظن في النبي ده ايه كفر يعني اللي يسيء الزن في النبي عليه الصلاة والسلام يكفر بالله. فهو الشيطان عايز يصلح الصحابة للكفر من خلال ايه - [00:45:43](#)

سوء الظن في النبي عليه الصلاة والسلام قال اني خشيت ان ان الشيطان يجري من ابن ادم مجرى الدم واني خشيت ان يقذف في قلوبكم شيئا او قال شرا او قال سوءا - [00:45:58](#)

النبي عليه الصلاة والسلام من رحمته بالصحابة حذرهم من ده شوف حديث آآ في احاديث جميلة السيدة عائشة في الباب ده يعني. ان حتى الشيطان بيجي برضو للزوجة ويخليلها تسيء الظن ايه - [00:46:13](#)

لجوزها هو الرجال يا عيني راجل غليان يعني مسلا قاعد مسلا رقم رنة عليه تقوم الشيطان جاي لها بيقول له الرجل ده شكله بيلاعب بذيله كده. يا ستي هو ما عندهوش ديل اصلا - [00:46:26](#)

فتقدع ايه كنت بتكلم مين وتقعد ايه تراقبه وتنسى لما ينام وتقعد تقلب في الموبايل بتاعه هو هنا ايه هي بتسيء الظن وبعد سوء الظن بيجي ايه؟ ان هي تقدر بقى تتجسس. قال تعالى يا ايها الذين امنوا اجتنبوا كثيرا من الظن ان بعض الظن اثم. ولا تجسسوا. هو - [00:46:38](#)

ولما ساء الظن فلان ده شكله كده ايه بقى له كم يوم كده شكله كده ماشي مش تمام فاحنا عايزين نتأكد فيقول لك واحد يقول لك ايه خلاص يوم ما تقدر على - [00:46:59](#)

فلانة دي شكلها شكلها كده مصاحبة ايه فلان فاحنا عايزين حد ايه فتلاقي واحد يقول لك متبرع يقول لك خلاص هجيب لك قرارها ان شاء الله ماشي؟ قال اجتنبوا كثيرا من الظن ان بعض الظن اثم ولا تجسسوا. يعني انت مش مطلوب ان انت تعمل ايه؟ ان انت - [00:47:09](#)

تتبع عورات الناس ان تقدر تشويف تقلب وتشوف فلان بيعمل ولا ما بيعملش مش مطلوب منك ده تجسس ده حرام ولا تجسسوا ولا يغتب بعضا. شف التدريب التدريج ان ازاي ان هو جه من سوء الظن - [00:47:31](#)

للتجسس بعددين ايه الغيبة ما هو خلاص بقى اتأكد ما هو بعد لما ساء الظن عايز يتتأكد فتجسس فتأكد يقول لك شفت فلانة يا عم دي كانت عاملة نفسها مش عارف ايه اكتشفت عنها كذا - [00:47:47](#)

كذا هو كل اللي وقع فيه بعد كده ده ايه؟ ده غيبة وقذف محصنات وافتراء. من اكبر الكبائر ولا يغتب بعضا ايحب احدكم ان يأكل لحم أخيه ميتا فكرهتموه - [00:48:01](#)

واتقوا الله ان الله تواب رحيم فشوف الشيطان بيجي للزوج ده احيانا ممكنا الشيطان بيجي في حلم علشان يخلي الرجال يشك في مراته او والله قال آآ حديث احاديس السيدة عائشة جميلة في الباب ده. لما آآ - [00:48:16](#)

هي بتحكي بتقول ان هي حديث له تلات روايات يعني. في ليلة من الليالي كانت ليلة النبي عليه الصلاة والسلام اللي هو بابت فيها عن السيدة عائشة. تعرفي النبي عليه الصلاة والسلام كان بيتنقل - [00:48:37](#)

آآ بيوت النساء زوجات النبي عليه الصلاة والسلام فكان في ليلة السيدة عائشة فهي بتقول في ايه؟ فالتمس النبي صلى الله عليه وسلم فلم اجده. فبتدور عليه حسس كده ما لقيتوش - [00:48:47](#)

قالت فوقع في نفسي انه ذهب لبعض نسائه. الشيطان راح جاي قال لها بس ده سابك وراح لايه لواحدة من النساء فهي بتقول ايه

وهي بتحسّس كده بتدور فايديها وقعت على - 00:49:01

على رجل النبي عليه الصلاة والسلام وهو واقف بيصلي وهو يقول اللهم اني اعوذ برضاك من سخطك وبمعافاتك من عقوبتك واعوذ بك منك لا احصي ثناء عليك فقالت بابي انت وامي يا رسول الله انت في شأن وانا في شأن - 00:49:17

يعني انت واقف بتصلّي وبتدعّي وهي الشيطان ايه اه قذف في قلبها سوء الظن بالنبي عليه الصلاة والسلام وفي اه في قصة تانية النبي عليه الصلاة والسلام خرج ورجع متّاشر ابطأ على عائشة رضي الله عنها - 00:49:35

قالت ايه؟ فوقع في صدري انه ذهب لبعض نسائه فلما جاء ورأى ما ما به او رأى ما اصنع هي طبعاً قاعدة ايه غيرانة وقاعدة ايه عاملة عمايلها بقى فلما النبي عليه الصلاة والسلام دخل وفي رواية ان هي حطت ايديها على على راس النبي عليه الصلاة والسلام عشان تشوفه هي راسه مبلولة ولا ا يعني في اثر غسل - 00:49:51

ان هو كان عند بعض نسائي واغتسل ورجع فبتايده فقال ما لك يا عائشة؟ اغرت فقالت وما لمثلي لا يغار على مثلك؟ قالت له اه غرت ومالٍ مثلي لا يغار على مثلك. فقال صلٍ الله عليه وسلم اوجاءك شيطانك - 00:50:13

اوجاءك شيطانك فقالت يا رسول الله او معي يا شيطان قال نعم قالت ومع كل احد؟ يعني كل واحد معه شيطان؟ يعني مش انا بس يعني؟ قال نعم. قالت وما معك يا رسول الله؟ قال نعم غير ان رب اعانتي عليه فاسلم - 00:50:30

فاسلم يعني فاسلم الشيطان او فاسلم يعني اسلم انا ايه فاسلم انا يعني من شره ومن وسوساته ده حدث اهو. الثالث ان النبي عليه الصلاة والسلام في في ليلة دخل على السيدة عائشة - 00:50:47

دخل ايه يعني اه بالراحة كده رويدا رويدا وخلع النعل وحط ايه النبي عليه الصلاة والسلام اول لما نام وحس ان السيدة عائشة ايه نامت قالت فما ان ظن اني رقدت قام رويدا رويدا واخذ نعله رويدا رويدا وفتح الباب رويدا رويدا وخرج رويدا رويدا. واحدة كده - 00:51:03

وهو خارج ايه بيتسحب فقالت ايه؟ فقلت ذهب لبعض نسائه. فراحت قايمة بقى وراحت لابسة قالت فتقنعت ازارى ولبست الایه الخمار بتاعها وراحت ايه خارجة ورا النبي عليه الصلاة والسلام - 00:51:25

عايزها بقى تتأكد بقى تشوف الموضوع اهو اهو الزن وبعدين ايه تجسس فلقيت النبي رايح لاتجاه ايه؟ البقى عند المقابر عليه الصلاة والسلام. رأيت واقف يرفع ايده وبيدعى وبعدين ينزل ايده ويرفعها تلات مرات - 00:51:38

طول في الدعاء قالت ثم التفت واسرع فاسرعت وهرول فهرولت واحضر فاحضرته مشي بالراحة فمشي بالراحة. ثم سبقة ودخلت طبعاً داخلة ايه واحدة مشوار يعني من البقى لحد حجرة النبي عليه الصلاة والسلام مشوار فخدته ايه؟ جري - 00:51:55
فداخلة ايه بتنهج فاول لما النبي عليه الصلاة والسلام دخل لقاها ايه عاملة نفسها نايمة وايه وبتاخذ نفس كده يعني قال ما لك يا عائش؟ حشى يا رضية يعني زي انت عارف عندك مشكلة في التنفس كده - 00:52:18

فقالت لا سكتت فقال لتخبرني او ليخبرني اللطيف الخبير. قال لها تقولي لي ولا ربنا يقول لي فقالت يا رسول الله كان من امري كذا وكذا حكى له الایه القصة يعني - 00:52:35

فقال اذا فانت السواد الذي كان امامي. يبقى انت اللي كنت قال نعم قالت فلهذني في صدري لهذة او جعنتي النبي عليه الصلاة والسلام هنا النبي عليه الصلاة والسلام ضرب السيدة عائشة ليه - 00:52:52

علشان هي اسألت فيه الظن علشان سوء الظن بالنبي عليه الصلاة والسلام مش مسموح يعني في موافق كتير النبي عليه الصلاة والسلام زي ما عائشة رضي الله عنها نفسها روت - 00:53:08

قالت ما ضرب رسول الله صلٍ الله عليه وسلم شيئاً بيده قط الا ان يجاهد في سبيل الله. لكن في الحديث ده لما هي اسألت فيه الظلم ضربها قالت فلهذني في صدري نهزة او جعنتي - 00:53:18

فقال اظننتي ان يحيف الله عليك ورسوله اه ظننت ان يحيف يعني ايه يزلمك يعني ياخذ حقك ظننتي ان يحيف الله عليك ورسوله. وبعدين حكى لها القصة وشف سبحان الله. يعني النبي عليه الصلاة والسلام كان خارج رويدا رويدا ليه - 00:53:33

كان ماشي بالراحة ليه؟ عشان ما يصحش عشان ما يصحيهاش عشان هي قال وخشيتو ان تستوحشني ان انا لو خرجت بالليل قمت وما لقيتنيش تخافي يعني هو سبحانه الله يعني النبي عليه الصلاة والسلام كان خارج عشان مراعاة لها والشيطان جاء لها خلاها ايه؟
تسيء الظن في النبي عليه الصلاة والسلام - 00:53:51

فده باب عظيم جدا الشيطان بيدخل منه. سوء الظن ان هو يخليك تسيء الظن في صاحبك يخليك تسوء الزن في اهلك في ابوك وفي امك يخليك تسيء الظن في زوجتك او الزوجة تسيء الظن في زوجها. الاصل يا جماعة في في المسلم السلامة - 00:54:13
الاصل ان انت تحسن الزن ودائما كان حتى العلماء بيقولوا اذا ساء فعل المرء ساعات ظنونه اذا ساء فعل المرء ساعات ظنون يعني ايه؟ يعني انت لما تبقى افعالك سودا يعني منيلة بنيلة - 00:54:31

اي انت مسلا على طول بتكرز على طول نصاب على طول بتتفس فبالتالي لما انت هتتعامل مع حد هتبقى ايه هتبقى فاكره بيتتعامل بنفس التعامل يعني هو تاجر حرامي مسلا - 00:54:46

بيغش الناس بيكرز وهو بيشتري هيبقى عامل ازاي هيبقى فاكر الناس كلها بيتتعامل نفس التعامل هو عشان افعاله سيئة فبالتالي
الظنون بتاعته ايه سيئة لكن الاصل ان احنا نحسن الظن - 00:55:00

قال اياكم والظن قال صلي الله عليه وسلم اياكم والظن فان الظن اكذب الحديث ولا تحسروا التحسس ان انت ايه تقدر تتصنت على
الناس ولا تحسسوا ولا تحسدوا ولا تدارروا ولا تبغضوا وكونوا عباد الله اخوانا - 00:55:15

وكونوا عباد الله اخوان قال صلي الله عليه وسلم المسلم اخو المسلم لا يظلمه ولا يسلمه ولا يحقره فالاصل ان انت تحسن الزن الاصل
ان انت تحسن الزن في اخوك المسلم - 00:55:37

آآفده من من طرق الشيطان للتحريش بين الناس طيب احنا عايزين ازاي ان احنا خطوات عملية ان احنا نسد على الشيطان الباب
اللي بيدخل منه يعني ازاي ايه الاعمال اللي احنا ممكن نعملها ان احنا نسد على الشيطان آآآ باب سوء الظن وباب الافساد بين الناس
- 00:55:50

الاصل الاصل افتراض حسن النية زي ما كان عمر رضي الله عنه يقول قال لا تظنن بكلمة خرجت من اخيك شرا وانت تجد لها في
الخير محلا لا تظنن بكلمة خرجت من اخيك شرا - 00:56:12

وانت تجد لها بالخير محلا. يعني حد قال لك كلمة من اكتر الحاجات اللي الشيطان بيدخل فيها الكلام بينك وبين ايه؟ الناس اه هو
الشيطان عايز يفسد العلاقات في يعمل ايه؟ انت بيتتكلم مع اهلك في البيت - 00:56:29

ابوك بيقول لك حاجة مسلا امك بتقول لك حاجة فهو ينزل في الكلام ده قال تعالى وقل لعبادي يقولوا التي هي احسن ان الشيطان
ايه ينزل بينهم صاحبك بيكلمك ايه ده هو قصدك ايه بالكلمة دي - 00:56:47

الست قاعدة في البيت فبتقول لجوزها حاجة فيقول له ايه ده! ايه ده! هي بتتكلمك كده ليه هي ازاي تكلمك كده وانت يعني
الشنوبات بتاعتك دي انت سايبها كده ما لهاش لازمة - 00:57:01

ده انت لو قمت عليها مش عارف تعمل كذا فيقعد ايه ينزل في الكلام ماشي فاول حاجة ان احنا الاصل حسن الزن تاني حاجة ان انت
اختار احسن كلام وكل عباده يقولوا التي هي احسن - 00:57:12

يعني انت هتقول كلمة لحد اختيار احسن كلمة عشان ما تفهمش غلط. ولو انت اتكلمت في كلام واتفهمهم غلط الناس فهمته غلط حاول
تبين يعني لو انت خشيتو بعد ما انت اتكلمت راجع دايما تراجع نفسك. انا النهاردة قابلت فلان وقلت كذا. طب ما ممكن الكلمة دي
 تكون زعلته - 00:57:28

طب ما انا اكلمه واقول له ما تباقاش موسوس برضه. لكن في نفس الوقت ابقي عندي ايه؟ ابقي حساس شوية في واحد يا جماعة
وهو اصلا بيديش ومش في دماغه. يعني هي ايه مسلا بتقول الكلمة وخلاص بتضرب مش مشكلة - 00:57:46

فمش عايزين نبقى كده يعني خد بالك ان الكلام اللي انت بتقوله ممكن يخلي انسان مسلا يفقد علاقته معك طول حياته بسبب كلمة
فرق بينك وبين اخوك فاول حاجة ان انت تحسن الظن لو اخوك قال لك كلمة انت هتستقبلها ازاي؟ لولا اذ سمعتموه ظن المؤمنون

والمؤمنات بانفسهم خيرا - 00:58:00

انت اصل تسمع الكلمة والله ايه ممكن يكون مسلا ايه متترفز شوية. ممكن يكون آآ مستعجل ممكن يكون مسلا هو مش قصده ممكن يكون غلط غلط ما فيش مشكلة قال صلي الله عليه وسلم ول يأتي - 00:58:21

الى الناس الذي يحب ان يؤتى اليه يعني انت تحب لو انت غلطت في حق حد قلت له كلمة زعلته مسلا. ان هو يعاملك ازاي يقف لك على الواحدة ويحط لك المشنة ويعلق لك المشنة وكده لا - 00:58:36

هتعوز ان هو يعمل ايه آآ يسامحني عدي لي. فالنبي عليه الصلاة والسلام قال ان ده اصل في المعاملة. ول يأتي الى الناس الذي يحب ان يؤتى اليه. يعني انت تحب تتعامل ازاي؟ عامل الناس زي ما انت تحب - 00:58:51

آآ تتعامل فالاصل ان اخوك قال لك كلمة قال لا تظنن بكلمة خرجت من اخيك شرا وانت تجد لها في الخير محملا. لو اقدر اخذ الكلام ده واحمله على احسن محمل اعمل ده - 00:59:03

هو مش قصده هو قال كده اتسرع هو غلط مش مشكلة ما فيش مشكلة انا مسامحه ماشي؟ الحاجة الثانية واجب وانا بتكلم ان انا اختار احسن كلام. وقل لعيادي يقولوا التي هي احسن. ان الشيطان ينزع بينهم. الحاجة الثالثة ودي - 00:59:17

مهمة جدا يا جماعة مش لازم وخذ دي قاعدة في حياتك مش لازم تنتصر في كل المواقف مش لازم ركز والبنات ترکز لما تبقى متجوزة لما تتعامل مع حد آآ مش لازم كل موقف عايزه تاخدي فيه حدقك. مش لازم كل موقف عايز تستوفي فيه حدقك كامل -

00:59:33

يعني ما فيش مشكلة ان انا ادخل في حوار مع حد واطلع انا غلطان. ما فيش مشكلة خالص ما فيش مشكلة ليه؟ كسب القلوب اهم من كسب المواقف انت ممكن تكسب موقف - 00:59:58

وتقييم الحجة على اللي قدامك وترد عليه وخلاص واسبت ان انت ايه صبح بس في الاخر انت ايه خسرته يعني انت طلعت ان هو اللي غلطان خلاص حتى في العتاب - 01:00:11

احنا قلنا ده قبل كده ان في عتاب بيعتب بيسلاخ اللي قدامه. هو مش بيعتب عليه. هو عايز يدمره انا مسامحك خلاص وعديت بس انت عملت يا عم خلاص ما انت لو انت مسامح خلاص ما لهاش لازمة بقى دي - 01:00:24

انت كده خلاص تقل قدامه يقول له يا عم والله انا اسف حدقك علي اسف ده انت عملت كذا وعملت كذا اسف بعد اعمل انا ايه باسف دي طب انت عايز ايه؟ يعني اولع في نفسي عشان ترتاح - 01:00:40

فمعلش الصوت يا جماعة فدي نقطة مهمة ان مش لازم كل المواقف ان انا ايه اكسب فيها النقطة الرابعة ان انا ما حطش نفسي في موضع يسأء في الظن ان انا ابين - 01:00:52

ان انا ما حطش نفسي في موضع النبي عليه الصلاة والسلام لما اتحط في موضع ممكن اخلي الناس تسيء فيه آآ تسيء في الظن ان انا حطبت نفسي في موضع شبهة. النبي عليه الصلاة والسلام لما - 01:01:07

في موضع وهو اصلا يعني الصحابة هيشكوا في النبي عليه الصلاة والسلام لكن مع ذلك ايه بين لهم فانت ما تحطش نفسك في موضع شبهة وبعدين تقول اصل الناس اسأوا في الظن اصل الناس اتكلموا علي. ماشي - 01:01:17

النقطة الخامسة هي ان انت تبعد عن الغيبة والنميمة مهما كان حتى لو انت ظهر لك امر معين ما تتكلمش امسك لسانك النقطة اللي بعد كده آآ مفتكرها عشان ايه دي نقطة مهمة وانا نسيتها - 01:01:32

نعم كضم الغيظ والعفو. جميل اه اه يعني هي غالبا نفس النقطة اللي احنا كنا بنقول فيها ان هي عدم الانتصار للنفس لا تنتصر لنفسك لا تنتصر لنفسك فال حاجات دي كلها بتساعد انت في المواقف ما يحصلش فساد - 01:01:52

ما فيش مشكلة آآ قال لان بسطت الي يدك لقتلني ما انا بياسط يدي اليك لاقتلك ان انت تحافظ على قلب اللي قدامك تحافظ على المودة وان كان ما فيش مشكلة اه ان انا مختلف معك في حاجة - 01:02:13

اصل اصلا الخلاف خلاف شر فانت تحاول ان انت ما تخسرش كل الناس اللي قدامك. حتى الناس اللي شغالة في الدعوة

اللي بيستغل في الدعوة الداعية ما بيخرش - 01:02:27

يعني لو انت ما كسبتش ما تخسرش على الاقل يكون في مستوى معين انت واقف ايه؟ محافر على الود مع الناس بحيس ان انت
يبي فيه بينك وبين ناس قنوات تقدر ان انت تعدي عليها دعوتك - 01:02:39

لكن قصة ان انا خلاص انا مش هكسب فايده فآه هنفي العلاقة بالاش ده ماشي يعني ده بعض الكلام اه ملش اسف اخر نقطة اللي انا
افتكرتها انا اسف اه اه ودي نقطة مهمة جدا يا جماعة - 01:02:52

كثير مننا كتير مننا لما بيبقى زعلان من حاجة ما بيواجهش ودي من اكتر الحاجات اللي الشيطان بيدخل فيها ويزرع وينبت ويعلم
سوء الظن ويعلم شجرة سوء الظن في قلبك - 01:03:11

الاصل ان انت لو زعلان من حاجة هتعمل حاجة من اتنين يعني لو حد قال لك كلمة ضايفتك لو انت في يوم من الايام مع جوزك او
قال لك كلمة او انت في يوم من الايام مع زوجتك قالت لك كلمة مع حماتك مع اهل مراتك مع اهل زوجك مع صاحبك مع

01:03:27

صاحبتك اي علاقة في الحياة. حد قال لك الكلمة دي انت بالنسبة لك ايه جرحت مشاعرك ضايفتك زعلتك هتتسبب ان انت تكره
الشخص ده او ان انت اتضيق منه - 01:03:43

انت تعمل ايه اول حاجة اما ان انت هتتغافل وھتعفو والموضوع هيعدى خالص وانت هيبي في عيده فبيقدر ايه؟ يروح مسلا يعني هو واحد زعلان مني انا قلت له
ده وتعديه ماشي؟ واما ان انت تعمل ايه - 01:03:55

تروح تواجه كتير مننا بيخاف من المواجهة صراحة هو مش عايز يواجه فيقدر ايه؟ يروح مسلا يعني هو واحد زعلان مني انا قلت له
كلمة وانا ممكن مش قصدي اصلا - 01:04:08

هو لو سألي اقول له يا عم والله ما كانش نيتني كده وما كانش قصدي كده. حلقك علي ما تزعلش. ادي يا عم دماغك ابوسها. خلاص
الموضوع انتهى هو يقوم عامل ايه - 01:04:21

ده شريف قال لي كذا ويروح يحكى لفلان ويحكى لفلان ويكلم فلان ده انا زعلان وفلان ده مش كل واحد بيحكى له هو محبك يحبك
وبيحب لك الخير وحسن الظن. فممك يحكى لواحد يقول له اه يا عم ما هو اصلا آه هو اصلا نيته وهو اصلا عمل معى بردہ موقف كذا
وانا ما رضيتش برضو - 01:04:29

فايه يكبر المشاكل فالاصل ان انت تواجه زعلان من حد روح قل له يا فلان انت قلت لي كذا. هتلaci والله في الغالب ان هو ممكن ما
كانش واحد باله - 01:04:49

او الشيطان هو فهمك حاجة تانية او هو يعتذر لك. او يقول لك يا عم انا غلطان حرك علي اتعلم ده. ما تقدر تكتب في نفسك وتقدر
الست تقدر تحوش تحوش. وبعدين تيجي بعد مسلا ايه مشكلة تقول له ده انت يوم كذا عملت كذا ويوم كذا - 01:05:03
فاكر من عشر سنين لما انت مش عارف ما رضيتش توديني مش عارف لامي ولما قلت لك عايزه ايس كريم وما جبتنيش ولما تشووف
تقعد بقى ايه الله طب انت - 01:05:19

ما قلتليش ليه يعني قعدت تعبي كل ده وتيجي مرة واحدة تقوم منفحة في وشه ولا والاصعب من ده ايه؟ ان هو هيتعامل يعني انا
قاعد حد قال لي كلمة وهو مش واحد باله فانا ايه - 01:05:29

كتمتها في نفسي راح قايل لي كلمة تانية رحت ايه كتمتها في نفسي. بقيت انا بتعامل معه بعد كده ايه بعامله بقرف اصلا وهو مش
فاهم يعني فيقول لك هو مش عارف انا مش فاهم فلان بيعاملني وحش ليه كده - 01:05:44

وهو معبي الثاني معبي فتنفجاً بيحصل ده بسبب ايه؟ بسبب ان واحد كازب فيا جماعة آه صرح قل انا زعلان ما فيش مشكلة خالص
انا زعلت من كذا آه بحيس ان انت ان تطلب السلامة لاخيك. ان انت ما تمناش ان اخوك بيقى واقع في اثم - 01:05:57
ماشي مفهوم طيب آه خاتما يعني ان احنا عايزين آه نهتم بالامر ده نحافز على آه روابط الاخوة والصحبة والبيئة ان انت متبعدش عن
الصحبة الصالحة متبعدش عن البيئة تحمل لو في يوم من الايام المعلمة - 01:06:15

قالت لك حاجة معلش استحملي لو الشیخ بتاعك قال لك حاجة ازعلك معلش آآ تحمل ما تتركش البيئة بسبب نزغ الشیطان جزاکم
الله خيرا نكتفي بهذا القدر سبحانك اللهم وبحمدك اشهد ان لا اله الا انت استغفرك واتوب اليك - [01:06:29](#)